


Elkarrizketa



Albert Boadella

• ELS JOGLARS ANTZERKI
TALDEKO ZUZENDARIA •

«Irudimenik
ederrena
errealitatean
dago» • 34

politika

■ PSE-EEren eta
PPren arteko gobernu
hitzarmena egitea
baztertu egin du
Rodriguez Zapaterok • 9

■ Hernaniko Udaleko
langileek eta herriko
hainbat dendarik lan
egin dute Santiago
egunean • 10

ekonomia

■ EAEko Ogasunaren
berezitasunak eta
Enplegu Plana aurkeztu
ditu Bruselan Sabin
Intxaurrek • 18

mundua

■ Txileko Justiziak
ez ditu onartu
Pinocheti buruzko
osasun agiriak • 25

kirola

■ Txirrindularitza

Javier Otxoa
berangarrak
nagusitasunez irabazi
du Ordiziako
Nazioarteko Sarian • 27

Hegazkin istripua



JACK GUEZ / EPA

Turista alemaniarrek New Yorkera zihoazen, bertatik irten eta Karibetik Ekuadorrera luxuzko kruzero bat egiteko.

Concordearen lehen istripuan 113 lagun hil dira Parisen

Hegazkin supertsoniko horiek akatsak dituztela onartu zuen Air Francek herenegun

■ TURISTA alemaniarrez beteta zegoen Concorde batek, New Yorkera zihoala, istripua larria izan zuen atzo Parisen. Lekukoen arabera, Roissyko aireportutik aireratzeko unean hegazkinak sutan zuen motore bat,

eta pilotua, horretaz ohartu zenean, atzera egiten saiatu zen, baina alferrik: aireportutik bost kilometrora zegoen hotel baten gainera jausi zen bi minutu geroago. Istripuan, 100 bidariari alemaniar, tripulazioko 9 ki-

deak eta hoteleko lau bezero hil ziren. Turistak New Yorkera zihoazen, Karibean luxuzko kruzero bat egiteko. Aipagarria da Concorde hegazkinen akatsak onartu egin zituela Air Francek herenegun bertan.

• 21-22

Porrota Camp Daviden

Jerusalemgo auziak
ezinezko egin du Baraken
eta Arafaten arteko akordioa

■ Israeldarrek eta palestinarrek ez dute
emaitzarik lortu bi astez gogor negoziatu arren

• 24

ETA-ren erasoaldia

Mayor Oreja:
«Inoiz izan dugun unerik
zailenean gaude»

■ ETaren erasoaldiak Espainiako Gobernua estutasunean jarri duela aitortu zuen atzo Jaime Mayor Orejak Getxon. Poliziaren «itxurazko eraginkortasun falta» dela eta, Barne ministroak esan zuen ETAk su-etena aprobetxatu duela funtzionamendua aldatzeko, eta horrek zaildu egin duela polizien lana. • 6-8